

Kalendari i lutjes NGRITJA E KAMPIONEVE Nentor 2018

1. Meqënëse Perëndia na ka bekuar me çdo bekim shpirtëror, lutuni që baballarët do të modelojnë një jetë të kënaqshme përpara fëmijëve të tyre. (Filipianëve 4:12)

2. Krenaria mund të shkaktojë që burrat të refuzojnë mençurinë nga gratë e tyre të perëndishme. Lutuni që burrat të përulen dhe të kenë besim të plotë tek gratë e tyre. (Proverbat 31:11)

3. Lutuni që burrat nuk do t'i konsiderojnë fëmijët e tyre si pengesa apo zbavitje, por do t'i bindin ata se janë bekime nga Perëndia. (Psalmi 127: 5)

4. "Unë do ta bekoj Zotin në çdo kohë; lëvdimi i tij do të jetë gjithnjë në gojën time." Është e vështirë të lartësohet dhe të lavdërohet Zoti kur je i zemëruar dhe i acaruar. Lutuni që burrat dhe baballarët do të pasqyrojnë zemra mirënjohëse për familjet e tyre. (Psalmi 34:1)

5. Përulësia është një pasqyrim i fuqishëm i Jezu Krishtit tek një familje. Lutuni që burrat të jenë të përulur dhe të rrëfejnë gabimet guas dhe familjes së tyre në kohën e duhur. (Jakobi 5:16)

6. A doni të jetoni një jetë të frytshme? Sigurohuni që të jeni të lidhur me burimin e duhur. Kërkoni bekimet e Perëndisë dhe drejtim rregullisht duke lexuar fjalën e Tij, duke medituar mbi të dhe duke u lutur që Ai do të sjellë fryte shpirtërore në jetën tuaj. (Psalmi 1: 1-3)

7. Bashkësia shpirtërore me vëllezërit dhe motrat në Krishtin është një pjesë thelbësore e jetës sonë si ndjekës të Jezusit. Nëse ju tashmë gëzoni një shoqëri të tillë, falënderoni Perëndinë. Nëse jo, lutuni që Ai t'ju ndihmojë të krijoni një marrëdhënie të ngushtë me besimtarët e tjerë. (Romakëve 1: 11-12)

8. Sot, falënderoni që keni privilegjin e madh për të qenë ushtar në ushtrinë e Zotit. Në betejën shpirtërore të jetës, ju jeni nën komandën e Jezusit - Zotit dhe Shpëtimtarit tonë, i cili një herë e përgjithmonë i çarmatosi fuqitë dhe autoritetet e errësirës në Kalvar. (Kolozianëve 2:15)

9. Falënderoni Zotin se Ai gjithmonë do t'ju japë fuqinë që ju duhet për të qëndruar të patundur në betejën shpirtërore. (1 Pjetrit 2: 4-5)

10. Lutuni që Zoti t'ju përdorë për të sjellë njerëz të tjerë në prezencën e Tij. Në duart e tij mund të bëhesh një peshkatar efektiv i njerëzve dhe kjo është pikërisht ajo që Zoti do që ti të jesh. (Mateu 4:19)

11. Porosia e madhe për një dishepull të Krishtit është të shpalli Ungjillin nën cdo rrethanë. Lutuni për një ringjallje drejtuar nga Perëndia në mesin e kishës sot, në mënyrë që të mund të jetojmë për Krishtin në dorëzim të plotë, siç bëri apostulli Pal. (Kolozianëve 4: 3.4)

12. Lutuni që ju të jeni dëshmitarë efektiv për Krishtin. "Ecni me urti ndaj të jashtëmëve duke shfrytëzuar kohën. Të folurit tuaj të jetë gjithnjë me hir, i ndrequr me kripë, që të dini si duhet t'i përgjigjeni gjithsecilit. (Kolozianëve 4: 5,6)

13. Një nga privilegjet që kemi si anëtarë të trupit të Krishtit është që ne mund ta mbështesim njëri-tjetrin në lutje. Merrni kohë për të sjellë para Zotit besimtarët dhe miqtë që po përballen me tundime dhe sprova. (Kolozianëve 4:12)

14. Si një ndjekës i Jezu Krishtit, ju keni privilegjin t'i shërbeni Mbretit të Mbretërve. Kërkojini Zotit që sot të qartësojë në zemrën dhe mendjen tuaj se çfarë është detyra e veçantë që ju ka dhënë si brenda dhe jashtë shtëpisë. "Ki kujdes shërbesën që more në Zotin, që ta plotësosh." (Kolozianëve 4:17).

15. Shumë njerëz janë viktime të padrejtësisë sociale në ditët tona. Një i krishterë është thirrur të jetë etik dhe i drejtë në gjithçka që ai bën dhe ta dojë të afërmin e tij porsi veten. Kërkojini Zotit që i krishteri të jetë një dëshmitar i vërtetë i vlerave të Tij. "Zotërinj, bëni ç'është e drejtë dhe arsyeshme ndaj shërbëtorëve, duke ditur se edhe ju keni një Zotëri në qiejt.. (Kolozianëve 4: 1)

16. Atë, e pranoj që nuk mund të të shërbej ty jashtë mundësive të mia. Vullneti dhe dëshira ime janë njollosur nga egoizmi dhe krenaria ime. Lutem të bësh punën Tënde të pastrimit dhe transformimit në mendjen dhe shpirtin tim. (Kolozianëve 4: 2)

17. Kërkojini Perëndisë që të hapë një derë për ty për të jetuar dhe për të shpallur misterin e Krishtit, për të cilin kaq shumë vëllezër dhe motra tona janë në zinxhirë. Le ta shpallim të gjithë qartë, se ka shpresë dhe shpëtim në Zotin. (Kolozianëve 4: 3.4)

18. Zot, na trego se si të jemi të mençur në mënyrën se si veprojmë ndaj atyre që nuk besojnë; duke shfrytëzuar më së shumti çdo

mundësi për të dëshmuar për TY. Le të jetë gjithmonë biseda jonë e mbushur me hir, e ndrequr me kripë, kështu që ne të mund të dimë si t'i përgjigjemi të gjithësecilit. (Kolozianëve 4: 5,6)

19. I dashur Zot, dëshira ime e singertë është të jem shërbëtori i Krishtit Jezus. Të lutem, më jep një zemër që është gati të luftoj në lutje për ata që janë afër meje. Më bëj të qëndroj i patundur dhe të bëj vullnetin tënd. Më ndihmo të piqem dhe të besoj pa u lëkundur në premtimet e tua. (Kolozianëve 4:12)

20. I dashur Zot, Jeta duket kaq e padrejtë. Ngado që të kthej sytë unë shoh padrejtësi, derisa kthehem te Ti dhe shoh kryqin. Dhe për më tepër unë shoh drejtësinë e vërtetë, ku mbizotëron mëshira dhe hiri YT, drejtësia për padrejtësinë, i drejti për të padrejtin. Ti je shfajësuesi. Drejtësia është vendosur! Faleminderit Zot që ke bërë gjithçka të drejtë. (Romakëve 3:26)

21. Oh Zot, e kuptoj se njohuritë e mia janë shumë të kufizuara. Vetëm Ti i di të gjitha gjërat. E gjitha njohuria është në TY. Dhe TI je në mua. Prandaj, unë besoj që Ti do të më tregosh se çfarë duhet të di, kur më duhet ta di. (Kolozianëve 2: 2,3)

22. O Atë Perëndi, ti je i Shenjti. Ti je I veçuar, unik dhe dallueshëm nga krijimi yt. Faleminderit që më pastrove dhe më bërë të shenjtë në Krishtin. Ti më nxit të jem i shenjtë sepse Ti je i shenjtë. Por shpresa ime e vetme e shenjtërisë është në TY. Prandaj, unë kërkoj që të më mbushësh me Shpirtin e Shenjtë, në mënyrë që të mund të përsos shenjtërinë në jetën time të përditshme. (Osea 11: 9)

23. Zot Jezus, më ndryshove nga një mëkatar në një shenjtor. Ti më ke shenjtëruar duke ofruar veten për mua në kryq. Kur e pranova Krishtin, jeta ime e vjetër mëkatore vdiq. Në këmbim, unë u bëra i drejtë në Krishtin. Ti më ke bërë më të mirin që mund të jem në Krishtin. Haleluja për jetën e re në Krishtin! (Hebrenjve 10: 10,14)

24. Zot, të lutem, hap sytë e mi për të parë dërrën tënde në natyrë, por edhe punën tënde të hirshme në jetën time. Më ndihmo të reflektoj në të gjitha çfarë mendoj, them dhe bëj karakterin e Krishtit, që jeton në mua nëpërmjet dhuratës së Shpirtit tënd të Shenjtë. Unë lutem me Gjon Pagëzorin, "Ai duhet të rritet dhe unë të zvogëlohem" (Gjoni 3:30)

25. Axhenda e ideologjive liberale po rritet me shpejtësi në botën perëndimore. Vlerat judeo-krishtere po minohen dhe refuzohen. Qeveritë dhe sistemi arsimor janë infiltruar. Kush nuk ecën me rrjedhën është i izoluar dhe e quajnë fanatik. Lutuni që ju të mos ndaheni tutje, por të qëndroni të palëkundshëm në besim dhe të bëheni një dritë në errësirën shpirtërore e cila po rritet në kohët tona. (2 Timoteu 3: 1-7).

26. Kujtoni kishën e persekutuar. Shtypja fetare është depërtuese dhe në rritje. Sipas Qendrës Kërkimore Peë, në vitin 2016, të krishterët po keqtrajtohen në 144 vende. Jezusi tha: «Nëse më kanë përndjekur mua, do t'ju përndjekin edhe ju» (Gjoni 15:20). Lutuni për guxim dhe mprehtësi dhe qëndresë për besimin tuaj. Gjithashtu ju lutemi, të ndërmjetësoni për vëllezërit dhe motrat tuaja në Krishtin, të cilët po përndiqen .

27. Ngritja e Kampionëve dhe "Cdo burrë është një luftëtar" përbëjnë projektin për

burrat nga TWR dhe ofron kalendarin e lutjes, programin Ngurtja e Kampionëve dhe kursin dishepullizues (Cdo burrë është një luftëtar). Lutuni për këtë shërbesë në rritje në vende rreth botës. Vizitoni faqet e internetit www.championsarise.org dhe www.twr.360.org (Psalmi 147: 15)

28. Prosperiteti dhe qetësia sociale në shumë vende është një rezultat i drejtpërdrejtë i ndikimit dhe vlerave të krishtera. Bibla thotë: «Lum ai komb që ka Perëndinë Zotin (Psalmi 33:12). Lutuni për ata që janë në qeveri dhe në pozita udhëheqëse që të kenë frikë nga Zoti dhe të mbështeten në urtësinë e fjalës së Tij dhe parimeve të Ungjillit.

29. Falënderoni Zotin për transmetimin e Ungjillit në mbi 230 gjuhë nëpërmjet TWR dhe partnerëve të saj të shumtë kombëtarë. Lutuni për prodhuesit e programeve, sigurinë e transmetuesve aty ku janë vendosur dhe për stafin mbarëbotëror. Lëvdojeni Atë gjithashtu për të gjithë ata që e bëjnë këtë shërbesë urgjente të mundur nëpërmjet dashurisë dhe mbështetjes së tyre. (Mateu 24:14)

30. "Nëse duam të ndryshojmë një kulturë, ne kemi nevojë të ndryshojmë burrat." Lutuni për Lonnie Berger që drejton shërbesën globale për burrat e TWR. Lutuni për mençuri, guxim dhe qëndrueshmëri ndërsa zhvillon strategji dhe ndërvepron me partnerët kombëtarë të TWR-së anëmbanë globit. Lutuni që Zoti të bekojë burrat që janë mbajtësit e vizionit në vende të ndryshme. (2 Timoteut 2: 2)